



Broj: JN05-16-4-101-22/19
Sarajevo, 24. 02. 2020.godine

Na temelju članka 100. stavak (1), (3) i (4) Zakona o javnim nabavama („Službeni glasnik BiH” broj: 39/14), postupajući po Žalbi izjavljenoj od strane ponuđača KM TRADE d.o.o. Čaršijska bb 71300 Visoko ministar pravde Bosne i Hercegovine,
d o n o s i

RJEŠENJE

1. Žalba ponuđača KM TRADE d.o.o. Čaršijska bb 71300 Visoko zaprimljena u Ministarstvu pravde Bosne i Hercegovine dana 19.02.2020.godine, izjavljena na Rješenje broj: JN05-16-4-101-20/19 od 14.02.2020.godine u otvorenom postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, **usvaja se kao djelimično osnovana.**
2. Stavlja se van snage tačka 3. dispozitiva Rješenja broj: JN05-16-4-101-20/19 od 14.02.2020. godine u postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1.
3. Poništava se postupak javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1 broj: JN05-16-4-101-9/19 od 16.10.2019. godine, u skladu sa članom 69. stav 1 tačka (b) i stav 2 tačka (d) Zakona o javnim nabavama („Službeni glasnik BiH” broj: 39/14).

O b r a z l o ž e n j e

Ministarstvo pravde Bosne i Hercegovine (u daljem tekstu: Ugovorno tijelo) je 14.02.2020.godine, donijelo Rješenje broj: JN05-16-4-101-20/19 o dodjeli Ugovora u postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, ponuđaču SHOT d.o.o. Zmajevačka cesta 55 C, 72000 Zenica.

Na dostavljeno Rješenje broj: JN05-16-4-101-20/19 od 14.02.2020. godine u kojem se stavlja van snage Odluka o dodjeli ugovora u postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1 broj: JN05-16-4-101-15/19 od 31.01.2020.godine ponuđaču KM TRADE d.o.o. Čaršijska bb. 71300 Visoko i dodjeljuje Ugovor u postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, ponuđaču SHOT d.o.o. Zmajevačka cesta 55 C 72000 Zenica, ponuđač KM TRADE d.o.o. Čaršijska bb. 71300 Visoko (u daljem tekstu: Žalitelj) izjavio je Žalbu, zbog povrede odredbi upravnog postupka i nepravilno sastavljene tenderske dokumentacije osporavajući ocjenu Ugovornog tijela da je ponuda ponuđača SHOT d.o.o. Zmajevačka cesta 55 C, 72000 Zenica prihvatljiva.

Žalitelj u žalbi navodi:

„ Nakon primitka rješenja br: JN05-16-4-101-20/19 od 14.02.2020. godine, tražili smo uvid u tendersku dokumentaciju ponuđača „Shot“ d.o.o. Zenica, što nam je i obezbijeđeno 18.02.2020. godine u prostorijama UO gdje smo uočili sljedeće:

- U dodatno izmijenjenoj tenderskoj dokumentaciji br: JN05-16-4-101-9/19, na strani 62. tenderske dokumentacije, UO je u napomeni naveo da se natpis sastoji od 3 (tri) reda teksta, koji se nalazi u prilogu, a ponuđač SHOT d.o.o. Zenica, nije ispunio nevedeni uslov iz tenderske dokumentacije na uzorcima koje je dostavio.

Ponuđaču Shot ne odgovaraju natpisi na: košulji, majicama, jakni, gdje je stavljen natpis

SUDSKA POLICIJA
СУДСКА ПОЛИЦИЈА

u dva reda, dok je dodatno izmijenjenom tenderskom dokumentacijom traženo da se natpis sastoji iz tri reda sa natpisom

SUDSKA/SUDBENA
POLICIJA
СУДСКА ПОЛИЦИЈА

te ista ponuda nije u skladu sa tenderskom dokumentacijom br: JN05-16-4-101-9/19, dok je i UO napravio grešku prilikom sastavljanja tenderske dokumentacije, gdje je na strani 59 naveo da je natpis u dva reda, te je naknadno naznačio u napomeni da natpis mora da se sastoji iz 3 reda, dok npr. na strani 34, 40, 42, 48 tenderske dokumentacije navedeno je da je izgled natpisa dat u prilogu, znači da je taj natpis jedini odgovarajući koji se nalazi na strani 62 TD.

Prema pravilniku o službenim oznakama Sudske policije BiH, obavezno je korištenje natpisa koji je u napomeni, dok je natpis ponuđača Shot d.o.o. neustavan jer nema natpis na svim službenim jezicima BiH (B/H/S) te kao takav uzorak nije u skladu sa propisima i pravilnikom Sudske policije BiH.

- U tenderskoj dokumentaciji na strani 8. UO je naveo da u slučaju neusaglašenosti između dostavljenih uzoraka, atesta i tehničkih karakteristika i propisanih standarda kvalitete korištenog materijala, UO će ponudu odbaciti kao neprihvatljivu.

Ponuđač Shot u svojoj ponudi dostavio je tehničku specifikaciju na svom memorandumu i slikama, koja nije u skladu sa tehničkom dokumentacijom koja je dostavljena iz Aneksa 3A, niti sa rezultatima analize neovisne laboratorije Euroinspekt. Prmjera radi, na strani 27 tenderske ponude ponuđača Shot, u izvještaju vizuelne inspekcije težina zimskog kačketa prilikom analize iznosi 80 grama, dok u opisu piše 88 grama, čime ponuđač nije ispunio uslove iz TD, gdje je neusaglašena težina uzorka, sa dokumentacijom, atestom i tehničkom specifikacijom, te kao takva treba biti odbijena i neprihvatljiva jer je tehnička specifikacija ponuđača Shot odskače od Aneksa 3A, i analize Euroinspekt jer je neusaglašena tehnička specifikacija.

- Na strani 34 tehničke specifikacije, traženo je za polo majicu dugi rukav za izreze i laktove sirovinski sastav 93% poliester 7% najlon +/-1 %, u laboratorijskoj analizi koja je dostavljena, ovog podatka za sirovinski sastav za izreze i laktove nema, te ista analiza nije u skladu sa TD, koja kao takva treba biti odbijena i neprihvatljiva.

- U tenderskoj dokumentaciji na strani 37 (džemper), traženo je da gustoća pletiva na 5 cm iznosi vertikalno 45, horizontalno 30. Analiza je rađena na 10 cm koji nije u skladu sa traženim tehničkim parametrom niti specifikacijom sa strane 37, što znači da gustina pletiva na 5 cm ne bi zadovoljila jer bi bila upola od rezultata ispitivanja“.

Slijedom gore izloženog, Žalitelj predlaže da se izmjeni Rješenje o izboru najpovoljnijeg ponuđača broj: JN05-16-4-101-20/19 od 14.02.2020.godine, te da se obnovi postupak.

U vezi navedenog ističemo sljedeće:

Razmatrajući žalbu Žalitelja, Ugovorno tijelo je utvrdilo da je žalba dopuštena, blagovremena i izjavljena od ovlaštene osobe, te pristupilo rješavanju iste. Cijeneći navode iz žalbe, Ugovorno tijelo je utvrdio djelimičnu osnovanost žalbe na Rješenje broj: JN05-16-4-101-20/19 od 14.02.2020.godine u otvorenom postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, iz slijedećih razloga:

-Naknadnim pregledom dostavljenih uzoraka sa natpisom na košulji, majicama i jakni ponuđača SHOT d.o.o. Zenica u predmetnom postupku nabave, Ugovorno tijelo je utvrdilo da ponuđač SHOT d.o.o. Zenica nije dostavio uzorke sa natpisom u skladu sa traženim karakteristikama u Tenderskoj dokumentaciji, tačnije, uzorci su dostavljeni sa natpisom u dva reda, umjesto sa natpisom u tri reda (kako je datu u Napomeni: u prilogu na strani 62 Tenderske dokumentacije-podnaslov: Izgled natpisa). Budući da je na str: 33, 34, 42 i 50 Tenderske dokumentacije navedeno da je izgled natpisa dat u prilogu, samim tim Ugovorno tjelo ovaj žalbeni navod Žalitelja cijeni kao **utemeljen**;

- U vezi žalbenog navoda da je ponuđač SHOT d.o.o. u svojoj ponudi dostavio tehničku specifikaciju na svom memorandumu i slikama, koja nije u skladu sa tehničkom dokumentacijom koja je dostavljena iz Aneksa 3A, niti sa rezultatima analize neovisne laboratorije Euroinspekt a konkretno misleći na zimski kačket, u izvještaju vizuelne inspekcije težina zimskog kačketa prilikom analize iznosi 80 grama, dok u opisu piše 88 grama, Ugovorno tijelo ovaj žalbeni navod žalitelja cijeni kao **neutemeljen** iz razloga što je Tenderskom dokumentacijom propisana maksimalna težina zimskog kačketa 100 g, što znači da, i pored navedenog beznačajnog odstupanja od 8 grama u izvještaju vizuelne inspekcije od navedene težine zimskog kačketa u opisu, ponuđeni uzorak zimskog kačketa sa izvještajem vizuelne inspekcije odgovara zahtjevu iz Tenderske dokumentacije. Posebno naglašavamo da je neovisna laboratorija Euroinspekt, izdala identičan izvještaj vizuelne inspekcije za uzorak zimskog kačketa ponuđača KM TRADE Visoko, čiju je ponudu Ugovorno tijelo u ovom dijelu također ocijenilo prihvatljivom;

- Žalbeni navod žalitelja u vezi polo majice dugi rukav, da je za izreze i laktove sirovinski sastav 93% poliester 7% najlon +/-1 %, a u laboratorijskoj analizi koja je dostavljena, ovog podatka za sirovinski sastav za izreze i laktove nema, Ugovorno tijelo cijeni malicioznim s namjerom ometanja postupka nabavke, iz razloga što sirovinski sastav materijala torza majice po izvještaju laboratorijske analize odgovara zahtjevu iz Tenderske dokumentacije, te je izostavljanje navođenja sirovinskog sastava za izreze i laktove u laboratorijskoj analizi beznačajan podatak imajući u vidu kvalitet dostavljenog uzorka polo majice dugi rukav. Također naglašavamo da je neovisna laboratorija Euroinspekt i u Žaliteljevoj ponudi na isti način i s istim sadržajem dostavila laboratorijsku analizu za polo majicu dugi rukav, koji je dostavio identičan uzorak ove majice kao i ponuđač SHOT d.o.o. Zenica, čiju ponudu je Ugovorno tijelo u ovom dijelu također ocijenilo prihvatljivom;

- Također, žalbeni navod u vezi džempera gdje Žalitelj navodi da je traženo da gustoća pletiva na 5 cm iznosi vertikalno 45, horizontalno 30, a analiza je rađena na 10 cm koji nije u skladu sa traženim tehničkim parametrom niti specifikacijom, što znači da gustina pletiva na 5 cm ne bi zadovoljila jer bi bila upola od rezultata ispitivanja, Ugovorno tijelo također smatra beznačajnim i s namjerom ometanja postupka nabave, iz razloga što je i u Žaliteljevoj ponudi izvještaj o laboratorijskoj analizi urađen na identičan način, sa dostavljenim identičnim uzorkom, čiju je ponudu Ugovorno tijelo u ovom dijelu također ocijenilo prihvatljivom.

Budući da je člankom 68. stavak (4) točka i) Zakona o javnim nabavama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz Tenderske dokumentacije, Ugovorno tijelo je ocijenilo da je ponuda ponuđača „SHOT“ d.o.o.

Zenica nepotpuna i ne ispunjava uvjete propisane Tenderskom dokumentacijom u dijelu koji se odnosi na sadržaj i izgled natpisa na: košulji, majicama, jakni, te da istu treba odbaciti kao nepotpunu.

Također, s obzirom da je Rješenjem broj: JN05-16-4-101-20/19 od 14.02.2020.godine, Ugovorno tijelo dodijelilo ugovor u postupku javne nabave dijelova uniformi sa službenim oznakama za potrebe Sudbene policije Bosne i Hercegovine broj: JN05-16-4-101-9/19 od 16.10.2019. godine - Lot 1, ponuđaču SHOT d.o.o. Zenica, kao jedinom ponuđaču koji je dostavio prihvatljivu ponudu, a nakon razmatranja Žalbe uložene od strane ponuđača KM TRADE Visoko, broj: 244/20 od 19.02.2020.godine, Ugovorno tijelo je ocijenilo da u postupku javne nabave dijelova uniformi sa službenim oznakama za potrebe Sudbene policije Bosne i Hercegovine broj: JN05-16-4-101-9/19 od 16.10.2019. godine- Lot 1, nijedna od primljenih ponuda nije prihvatljiva, te je obavezno u skladu sa članom 69. stav 2) tačka (d) Zakona o javnim nabavama („Službeni glasnik BiH” broj: 39/14), poništiti postupak ove javne nabave, odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se uložiti žalba u pisanoj formi Uredu za razmatranje žalbi, putem ovog ugovornog tijela, u roku od 5 (pet) dana od dana zaprimanja Rješenja.



Prilog:

- Žalba ponuđača KM TRADE d.o.o. Čaršijska bb. 71300 Visoko od 19.02.2020.godine

Dostaviti:

- SHOT d.o.o. Zmajevačka cesta 55C, 72000 Zenica;

- KM TRADE d.o.o. , Čaršijska bb 71300 Visoko;

- a/a.



**BOSNA I HERCEGOVINA
MINISTARSTVO PRAVDE**

**БОСНА И ХЕРЦЕГОВИНА
МИНИСТАРСТВО ПРАВДЕ
САРАЈЕВО**

ПРИМЉЕНО:		20-02-2020	20	-02-2020
Организациона јединица	Класификациона ознака	Број	Број прилога	

Sarajevo 19.02.2020.
Broj: 244/20

Protiv rješenja br: JN05-16-4-101-20/19 od 14.02.2020 godine, koju smo dobili putem faksa 14.02.2020 godine za nabavku dijelova uniformi sa službenim oznakama za potrebe Sudbene policije Bosne i Hercegovine, za postupak prema obavještenju o javnoj nabavci br: 686-1-1-104-8-27/19, u skladu sa članom 99, ... Zakona o javnim nabavkama BiH, a u vezi sa članom 213. Zakona o upravnom postupku BiH, blagovremeno podnosi sljedeću:

ŽALBU NA RJEŠENJE

Zbog:

- Povrede odredbi upravnog postupka
- Nepravilno sastavljene tenderske dokumentacije

s prijedlogom da se poništi postupak br: JN05-16-4-101-9/19 od 12.2019 godine godine za nabavku dijelova uniformi sa službenim oznakama za potrebe Sudbene policije Bosne i Hercegovine,

OBRAZLOŽENJE

- Nakon primitka rješenja br: JN05-16-4-101-20/19 od 14.02.2020 godine, tražili smo uvid u tendersku dokumentaciju ponuđača „Shot“ d.o.o. Zenica, što nam je i obezbjedeno 18.02.2020 godine u prostorijama UO gdje smo uočili sljedeće.
- U dodatno izmijenjenoj tenderskoj dokumentaciji br: JN05-16-4-101-9/19, na strani 62 tenderske dokumentacije, UO je u napomeni naveo da se natpis sastoji od 3 (tri) reda teksta, koji se nalazi u prilogu, a ponuđač SHOT d.o.o. Zenica, nije ispunio navedeni uslov iz tenderske dokumentacije na uzorcima koje je dostavio.

KMTRADE d.o.o.

Čaršijska. bb, 71300 Visoko, Bosna i Hercegovina, tel +387 33 774 940, fax +387 33 774 944
PDV broj 218204070008, ID broj 4218204070008, TRN 186-181-1200-0862-13 kod Turkish Ziraat bunke d.d. Sarajevo



- Ponudaču Shot ne odgovaraju natpisi na: košulji, majicama, jakni, gdje je stavljen natpis

**SUDSKA POLICIJA
СУДСКА ПОЛИЦИЈА**

u dva reda, dok je dodatno izmijenjenom tenderskom dokumentacijom traženo da se natpis sastoji iz tri reda sa natpisom

**SUDSKA / СУДБЕНА
POLICIJA
СУДСКА ПОЛИЦИЈА**

Te ista ponuda nije u skladu sa tenderskom dokumentacijom br: JN05-16-4-101-9/19, dok je i UO napravio grešku prilikom sastavljanja tenderske dokumentacije, gdje je na strani 59 naveo da je natpis u dva reda, te je naknadno naznačio u napomeni da natpis mora da se sastoji iz 3 reda, dok npr na strani 34,40,42,42,48, tenderske dokumentacije navedeno je da je izgled natpisa dat u prilogu, znači da je taj natpis jedini odgovarajući koji se nalazi na strani 62 TD.

Prema pravilniku o službenim oznakama Sudske policije BiH, obavezno je korištenje natpisa koji je u napomeni, dok je natpis ponuđača Shot d.o.o. neustavan jer nema natpis na svim službenim jezicima BiH (B/H/S) te kao takav uzorak nije u skladu sa propisima i pravilnikom Sudske policije BiH.

- U tenderskoj dokumentaciji na strani 8, UO je naveo da u slučaju neusaglašenosti između dostavljenih uzoraka, atesta i tehničkih karakteristika i propisanih standarda kvalitete korištenog materijala, UO će ponudu odbaciti nako neprihvatljivu. Ponuđač Shot u svojoj ponudi dostavio je tehničku specifikaciju na svom memorandumu i slikama, koja nije u skladu sa tehničkom dokumentacijom koja je dostavljena iz Aneksa 3A, niti sa rezultatima analize neovisne laboratorije Euroinspekt. Primjera radi, na strani 27 tenderske ponude ponuđača Shot, u izvještaju vizuelne inspekcije težina zimskog kačketa prilikom analize iznosi 80 grama, dok u opisu piše 88 grama, čime ponuđač nije ispunio uslove iz TD, gdje je neusaglašena težina uzorka, sa dokumentacijom, atestom i tehničkom specifikacijom te kao takva treba biti odbijena i neprihvatljiva jer tehnička specifikacija ponuđača Shot odskaka od Aneksa 3A, i analize Euroinspekt jer je neusaglašena tehnička specifikacija
- Na strani 34 tehničke specifikacije, traženo je za polo majicu dugi rukav za izreze i laktove sirovinski sastav 93% poliester 7% najlon +/-1 %, u laboratorijskoj analizi koja je dostavljena, ovog podatka za sirovinski sastav za izreze i laktove nema, te ista analiza nije u skladu sa TD, koja kao takva treba biti odbijena i neprihvatljiva.



- U tenderskoj dokumentaciji na strani 37 (džemper), traženo je da gustoća pletiva na 5cm iznosi vertikalno 45, horizontalno 30. Analiza je rađena na 10 cm koji nije u skladu sa traženim tehničkim parametrom niti specifikacijom sa strane 37, što znači da gustina pletiva na 5cm ne bi zadovoljila jer bi bila upola od rezultata ispitivanja.

Shodno navedenom predlažemo da izmijenite rješenje o izboru najpovoljnijeg ponuđača br: JN05-16-4-101-20/19 od 14.02.2020 godine, te da obnovite postupak

U protivnom tražićemo odgovornost ugovorenog organa shodno članu 116 tačka 2 ZJN službeni glasnik BiH 39

Ukoliko ne izmijenite rješenje, bićemo primorani proslijediti našu žalbu uredu za razmatranje žalbi. Ukoliko žalba bude prihvaćena zahtijevat ćemo:

- **Da Naknadu na pokretanje postupka žalbe snosi Ugovorni organ kao i naknadu troškova postupka shodno članu 119 ZJN službeni glasnik BiH 39.**

Prilog

Žalba – 3 primjerka

Strana 57 TD – izvadak iz TD,

Strana 34 TD – izvadak iz TD,

Strana 40 TD – izvadak iz TD,

Strana 42 TD – izvadak iz TD,

Strana 48 TD – izvadak iz TD,

Strana 62 TD – izvadak iz TD,

Direktor
Nihad Masić



KMTRADE d.o.o.

Čaršajska, bb, 71309 Visoko, Bosna i Hercegovina, tel +387 33 774 940, fax +387 33 774 944
 PDV broj 215204070008, ID broj 4218204070008, TRN 186-181-1200-0862-13 kod Turkish Ziraat banke d.d. Sarajevo



Broj: JN05-16-4-101-20/19
Sarajevo, 14.02.2020.godine

Na temelju članka 100. stavak (1), (3) i (4) Zakona o javnim nabavama („Službeni glasnik BiH“ broj: 39/14), postupajući po žalbi izjavljenoj od strane ponuđača SHOT d.o.o. Zmajevačka cesta 55 C, 72000 Zenica ministar pravde Bosne i Hercegovine,
d o n o s i

RJEŠENJE

1. Žalba ponuđača SHOT d.o.o. Zmajevačka cesta 55 C, 72000 Zenica zaprimljena u Ministarstvu pravde Bosne i Hercegovine dana 10.02.2020.godine, izjavljena na Odluku o dodjeli ugovora broj: JN05-16-4-101-15/19 od 31.01.2020.godine u otvorenom postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, usvaja se kao osnovana.
2. Stavlja se van snage Odluka o dodjeli ugovora u postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1 broj: JN05-16-4-101-15/19 od 31.01.2020.godine.
3. Dodjeljuje se Ugovor u postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, ponuđaču SHOT d.o.o. Zmajevačka cesta 55 C, 72000 Zenica

Obrazloženje

Ministarstvo pravde Bosne i Hercegovine (u daljem tekstu: Ugovorno tijelo) je 16.10.2019.godine, pokrenulo otvoreni postupak javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, te izvršilo objavu nabave na portalu javnih nabava (www.ejn.gov.ba) i u Službenom glasniku BiH.

Nakon ocjene dostavljenih ponuda od strane ponuđača „KM TRADE“ d.o.o. Čaršijska bb 71300 Visoko i „SHOT“ d.o.o. Zmajevačka cesta 55 C 72000 Zenica i preporuke Povjerenstva za javne nabavke Ugovornog tijela u Zapisniku o ocjeni ponuda broj: 18.6-16-4-9575-3/19 od 23.12.2019.godine i Zapisniku nakon održane e-aukcije 18.6-16-4-9575-6/19 od 30.12.2019.godine donesena je Odluka o dodjeli ugovora broj: JN05-16-4-101-15/19 od 31.01.2020.godine, koja je sa Obavještenjem o rezultatima i Zapisnicima o ocjeni ponuda 31.01.2020.godine, dostavljena naprijed navedenim ponuđačima.

Na dostavljenu Odluku o dodjeli ugovora, ponuđač „SHOT“ d.o.o. Zmajevačka cesta 55 C 72000 Zenica (u daljem tekstu: Žalitelj) izjavio je žalbu, zbog povrede odredaba Zakona o javnim nabavkama BiH, pogrešnog i nepotpunog utvrđenog činjeničnog stanja prilikom formalno pravne i suštinske analize i provjere dostavljenih ponuda i uzoraka o ovom postupku javne nabavke osporavajući ocjenu Ugovornog tijela da je ponuda ponuđača „KM TRADE“ d.o.o. Čaršijska bb 71300 Visoko, prihvatljiva.

Sarajevo, Trg BiH broj 1, www.mpr.gov.ba, ured.ministra@mpr.gov.ba
Tel.: +387 33 281-519; fax: +387 33 201-619

14/02 2020 2:42 PM FAX 122222+0-+8733201618 MPRBH

Žalitelj u žalbi dalje navodi:

„Dana 05.02.2020. godine u prostorijama Ugovornog organa, izvršen je uvid u ponudu izabranog ponuđača od strane odgovornog lica firme SHOT d.o.o. Zenica, gosp. Vedrana Ključanina. Nakon izvršenog uvida i detaljnog pregleda ponude i dostavljenih uzoraka ponuđača KM TRADE d.o.o. Visoko, ustajavili smo da ponuda i dostavljeni uzorci ne zadovoljavaju zahtjeve koji su traženi Tenderskom dokumentacijom i Zakonom o javnim nabavkama BiH.

Analizom ponude ponuđača KM TRADE d.o.o. Visoko utvrdili smo slijedeće:

U okviru dostavljene ponude KM TRADE d.o.o. Visoko uočili smo da je na strani 8., a u okviru tačke 2.3, kao rok važenja ponude upisan datum 23.12.2019. godine. U istoj tački upisano je i to da ponuda važi 120 dana, a datum do kojeg važi ponuda je upisan 23.12.2019. godine, što je datum predaje ponude, ostaje nejasno da li je izabrani ponuđač zaista želio da ponuda važi samo na dan predaje iste ili je u pitanju formalni nedostatak, obzirom da ni Ugovorni organ nije tražio pojašnjenje na gore navedeno važenje ponude.

Podredno ističemo da je u okviru tačke 2.3. Ponude ponuđača – Cijena ponude, tačnije u rubrici gdje se unosi iznos popusta ukupne cijene ponuđača, upisano slovima „BEZ POPUSTA“, što je nemjerljiva vrijednost, što predstavlja manji formalni nedostatak ponude izabranog ponuđača.

Analizom uzoraka ponuđača KM TRADE d.o.o. Visoko utvrdili smo slijedeće:

U tehničkoj specifikaciji za LOT 1 (dijelovi uniformi sa službenim oznakama), a u okviru stavke – „OZNAKA SUDSKE POLICIJE“ ugovorni organ je precizno i detaljno opisao izgled iste, što podrazumijeva njen oblik, materijal od kojeg je napravljena, način na koji se nosi, te ostale bitne karakteristike ove stavke. Prilikom pregleda uzoraka dostavljenih od strane ponuđača KM TRADE d.o.o. Visoko, utvrđeno je da dostavljeni uzorak za stavku „OZNAKA SUDSKE POLICIJE“ ne zadovoljava tehničke karakteristike tražene Tenderskom dokumentacijom. Tenderskom dokumentacijom je precizirano da: „Oznaka sudske policije je štitaštog oblika, gornji dio se završava pod kutom od 120 stupnjeva. Izrađena je u potpunosti od visokokvalitetne, izdržljive i fleksibilne PVC gume debljine najmanje 2,5 mm sa čičak trakom“. Ponuđač KM TRADE d.o.o. Visoko je dostavio uzorak oznake sudske policije koji svojim izgledom ni materijalom ne odgovara traženim karakteristikama. Tačnije, isti je izrađen tehnikom veza, te na svojoj poleđini nema traženu čičak traku.

Daljom analizom dostavljenih uzoraka ponuđača KM TRADE d.o.o. Visoko, utvrđeno je da ni u okviru stavke – „GRB BOSNE I HERCEGOVINE“, za koju je ugovorni organ također dao precizan i detaljan opis u Tenderskoj dokumentaciji, navedeni ponuđač nije dostavio uzorke koji ispunjavaju i zadovoljavaju tražene tehničke karakteristike. Tačnije, ugovorni organ je u zahtjevima za ovu stavku naveo naveo da: „Oznaka je izrađena u potpunosti od visokokvalitetne, izdržljive i fleksibilne PVC gume debljine najmanje 2,5 mm sa čičak trakom“. Pregledom dostavljenog uzorka uočeno je da ni ovaj uzorak izgledom i materijalom ne odgovara traženim karakteristikama, te da je isti izrađen tehnikom veza i da na svojoj poleđini nema traženu čičak traku. Pored navedenog, na dostavnom uzorku smo uočili još jedan bitan nedostatak, a tiče se dimenzije grba Bosne i Hercegovine. U tenderskoj dokumentaciji Ugovorni organ je naveo: „Ispod natpisa je grb Bosne i Hercegovine dimenzija približno 60x50 mm +-3% u boji identičnoj bojama Bosne i Hercegovine.“ Našom analizom uočeno je da je dostavljeni uzorak znatno manji od traženog.

Slijedom gore navedenog zaključujemo da izabrani ponuđač nije ispunio navedene zahtjeve iz tenderske dokumentacije koji se odnose na embleme, jer niti jedan dio zahtjeva iz tenderske

dokumentacije koji se odnose na oznake/ambleme Sudske policije, koji se vrlo decidno opisani u tenderskoj dokumentaciji, izabrani ponuđač nije tretirao ispravno. Moramo napomenuti da je u okviru postupka javne nabavke svrha dostavljanja uzoraka od strane ponuđača da omogući Ugovornom organu da se, prije svega uvjeri, da ponudena roba odgovara traženim tehničkim specifikacijama.

U ovom slučaju, dostavljeni uzorci, oznake, amblemi i njihov izgled, su neosnovano zamjereni prilikom analize dostavljenih uzoraka, od strane ugovornog organa, koji je morao cijeliti dostavljeno na način kako je sam tražio u tenderskoj dokumentaciji. Dakle, ugovorni organ je precizno definisao i opisao u okviru tenderske dokumentacije, predmet javne nabavke, te potom zamjerio očigledne nedostatke i dodijelio ugovor ponuđaču koji nije ispunio tražene zahtjeve.

Sljedom gore izloženog, Žalitelj predlaže da se ponuda ponuđača KM TRADE d.o.o. Visoko ne može ni u kom slučaju smatrati zadovoljavajućom, te da Ugovorni organ treba postupiti u skladu sa članom 68. (razlozi za odbacivanje zahtjeva za učešće ili ponude) ZJN BiH. Predlaže takođe da Ugovorni organ, shodno članu 100. ZJN BiH, uvaži žalbu, da novim rješenjem ispravi radnju, odnosno osporavanu Odluku o dodjeli ugovora odbaci kao neprihvatljivu, a ponudu Žalitelja ocijeni prihvatljivom, sve iz razloga navedenih u žalbi te da nastavi predmetni postupak javne nabave dodjelom ugovora Žalitelju kao kvalificiranom ponuđaču koji je podnio prihvatljivu ponudu.

U vezi navedenog ističemo sljedeće:

Razmatrajući žalbu Žalitelja, Ugovorni organ je utvrdio da je žalba dopuštena, blagovremena i izjavljena od ovlaštene osobe, te pristupilo rješavanju iste. Cijeneci navode iz žalbe, Ugovorni organ je utvrdio osnovanost žalbe na Odluku o dodjeli ugovora broj: JN05-16-4-101-15/19 od 31.01.2020.godine u otvorenom postupku javne nabave dijelova uniformi sa službenim oznakama za potrebe Sudbene policije Bosne i Hercegovine – Lot 1, po pitanju žalbenog navoda vezanog za dostavljene uzorke od ponuđača „KM TRADE“ d.o.o. Visoko (oznaka sudske policije, grb BiH) iz sljedećih razloga:

Nakon ponovnog pregleda dostavljenih uzoraka u predmetnom postupku nabave, Ugovorni organ je utvrdio da je ponuđač KM TRADE d.o.o. Visoko dostavio uzorak oznake sudske policije koji svojim izgledom ni materijalom ne odgovara traženim karakteristikama u tenderskoj dokumentaciji, tačnije, isti je izrađen tehnikom veza, te na svojoj poledini nema traženu čičak traku. Također ni dostavljeni uzorak grba Bosne i Hercegovine izgledom i materijalom ne odgovara traženim karakteristikama u tenderskoj dokumentaciji, jer je isti također izrađen tehnikom veza i na svojoj poledini nema traženu čičak traku.


Što se tiče žalbenog navoda vezanog za rok važenja ponude (120 dana uz navođenje datuma do kojeg ponuda važi) te, kako žalitelj navodi, „nemjerljivo iskazanog iznosa vrijednosti popusta“ Ugovorni organ konstatuje da je riječ o manjim formalnim nedostacima ponude jer je ponuđač „KM TRADE“ d.o.o. Visoko jasno naglasio da: a) ponuda važi 120 dana – slovima i brojevima te greškom na praznu liniju unio datum predaje ponude umjesto datuma na koji ističu tri mjeseca od dana predaje ponude i b) jasno iskazao riječima „bez popusta“ tj. da popusta na ponudenu cijenu nema, što Ugovorni organ cijeni u potpunosti mjerljivim. Pri tome, obrazac za cijenu ponude ne sadrži napomenu o načinu izražavanja popusta.

Budući da je člankom 68. stavak (4) točka i) Zakona o javnim nabavama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Ugovorno tijelo je nakon ponovnog pregleda i analize uzoraka uz dostavljene ponude, ocijenilo da je Ponuda ponuđača „KM TRADE“ d.o.o. Čaršijska bb, 71300 Visoko, nepotpuna i ne ispunjava propisane uvjete iz tenderske dokumentacije, u dijelu koji se odnosi na dostavljene uzorke za oznaku sudske policije i grb BiH, te da treba staviti van snage

Odluku o dodjeli ugovora ponuđaču "KM TRADE" d.o.o. Čaršijska bb, 71300 Visoko, broj: JN05-16 4 101-15/19 od 31.01.2020. godine, a predmetni postupak javne nabave nastaviti dodjelom ugovora ponuđaču „SHOT“ d.o.o. Zmajevačka cesta 55 C kao jedinom kvalificiranom ponuđaču koji je dostavio prihvatljivu ponudu.

Slijedom navedenog, Ugovorno tijelo je odlučilo kao u dispozitivu ovog rješenja.

Pouka o pravnom lijeku: Protiv ovog rješenja može se uložiti žalba u pisanoj formi Uredu za razmatranje žalbi, putem ovog ugovornog tijela, u roku od 5 (pet) dana od dana zaprimanja Rješenja.



Prilog:

- Žalba od 10.02.2020. godine,
- izvijena od strane ponuđača SHOT d.o.o. Zmajevačka cesta 55C, 72000 Zenica;

Dostaviti:

- SHOT d.o.o. Zmajevačka cesta 55C, 72000 Zenica;
- KM TRADE d.o.o., Čaršijska bb 71300 Visoko;

- a/a.

Polo majica, dugih rukava

- Materijal: torzo – 100% poliester, izrezi i laktovi – 93% poliester / 7% najlon $\pm 1\%$;
- Težina (vel. L): maks. 380 g;
- Ojačanja na laktovima sa džepovima za umetke;
- Dva džepa na gornjem dijelu rukava sa zip zatvaračima;
- Zakačka za nacóale;
- YKK zatvarači;
- Samostojeća kragna;
- Mrežasti materijal ispod pazuha za bolju prozračnost;
- Džep na gornjem dijelu lijevog rukava;
- Kroj kragne sprječava zavrtanje;
- Majica treba da ima éižak panel na lijevom rukavu za amblemne te preoz na dnu majice;
- Majica treba da ima otvor sa zip zatvaračem za bolju prozračnost;
- S prednje strane, u lijevom gornjem dijelu treba da se nalazi natpis „SUDSKA POLICIJA“ širine 10 cm $\pm 3\%$, ispisan latiničnim i éiriliničnim pismom, bijelom bojom (izgled natpisa je dat u prilogu);
- Na poledini majice se nalazi natpis „SUDSKA POLICIJA“, širine 30 cm $\pm 3\%$, ispisan latiničnim i éiriliničnim pismom, bijelom bojom (izgled natpisa je dat u prilogu);
- Boja: crna.

Na unutrašnjoj strani mora biti postavljena etiketa sa sljedećim obaveznim podacima:

- Veličina (veličinski broj);
- Naziv proizvođača;
- Osnovne informacije za održavanje.


Osim toga, identične oznake se vidljivo stavljaju na jednokratnu etiketu sa odgovarajućim EAN 13 brojem i kodom koji je različit za svaki veličinski broj.

Ambalaža i pakovanje:

Zapakovano u dvoslojne otporne kutije u kojima nakon slaganja ne smije ostajati praznog prostora, čime se sprječava mogućnost preturanja tokom transporta. Kutije moraju biti propisno zatvorene radi sprječavanja otvaranja.

Svaki zasebni komad mora biti omotan komercijalnim najlonom radi prevencije trenja i oštećenja pri transportu.

IZGLED POLO MAJICE



Polo majica, dugih rukava

Jakna zimska

- Materijal: 100% najlon;
- Težina (vel. L): maks. 880 g;
- Jakna treba da predstavlja finalni vanjski sloj odjeće za zimске uvjete rada pri izuzetno niskim temperaturama;
- Tip uključene toplinske izolacije: CLIMASHIELD® APEX ili ekvivalent;
- Jakna treba da ima hidrofobične karakteristike toplinsko-izolacionog materijala koje omogućavaju brzo sušenje jakne ukoliko se skvasi;
- Vanjski zaštitni sloj jakne treba da štiti od vjetrova i vode (vodonepropusna) ali da pri tome zadržava prozračnost;
- Anatomski kroj;
- Jakna treba da bude pogodna za nošenje preko tanjih slojeva odjeće kao što su zaštitne podjakne, flis jakne i slično;
- Uključena podesiva kapuljača koja se sa lakoćom slaže u kragnu jakne;
- Džep za kapuljaču sa otvorom dužine 48 cm do 50 cm koji se nalazi u kragni jakne treba da ima dvosmjerni zip zatvarač za što lakše korištenje bez potrebe za skidanjem rukavica;
- Kapuljača treba da ima tanku flis postavu za veću udobnost prilikom nošenja i zaštitu od znojenja;
- Podesiva širina donjeg dijela jakne sa elastičnom vrpcom za stezanje, kapuljača koja se podešava putem vrpce za stezanje koje se nalaze u unutrašnjosti prsnih džepova i podesiva širina donjeg dijela rukava putem čičak traka;
- Jakna treba da bude izuzetno lagana te da ima mogućnost laganog slaganja zbijanjem i pakovanju u platnenu vrećicu koja treba biti isporučena sa jaknom;
- Jakna treba da ima dva unutrašnja mrežasta džepa dim. 25 cm x 17 cm, pogodni za sušenje skvašenih stvari;
- Jakna treba da ima mogućnost zadržavanja toplote i grijanja korisnika u kišovitim uvjetima rada;
- Dvosmjerni prednji zip zatvarač sa termalnom zaštitom i štitnikom za bradu;
- Paneli sa čičak trakama dim. 9 cm x 12,5 cm, za kačenje identifikacionih oznaka na gornjem dijelu oba rukava;
- Dva bočna prsna džepa sa otvorom od 28 cm do 30 cm sa tankom flis postavom i dvosmjernim velikim zip zatvaračima koji omogućavaju jednostavno otvaranje/zatvaranje bez potrebe za skidanjem zimskih rukavica;
- U unutrašnjosti prsnih džepova treba da se nalaze našiveni pomoćni džepovi dim. 10 cm x 12 cm te D-prstenevi širine 2 cm do 2,5 cm;
- Unutrašnji "suhi" džep sa vertikalnim otvorom od 16,5 cm do 18 cm i zip zatvaračem, za čuvanje dokumenata i vrijednih stvari;
- YKK® zatvarači ili ekvivalent;
- S prednje strane, u lijevom gornjem dijelu treba da se nalazi natpis „SUDSKA POLICIJA“ širine 10 cm, ispisan latiničnim i ćirilničnim pismom, reflektirajućom bojom (izgled natpisa je dat u prilogu);
- Na poledini jakne se nalazi natpis „SUDSKA POLICIJA“, širine 30 cm, ispisan latiničnim i ćirilničnim pismom, reflektirajućom bojom (izgled natpisa je dat u prilogu);
- Boja: crna.

Na unutarnjoj strani mora biti postavljena etiketa sa slijedećim obaveznim podacima:

- Veličina (veličinski broj);
- Naziv proizvođača;
- Osnovne informacije za održavanje.

Jakna – zimska

- Materijal: 100% najlon;
- Težina (vel. L): maks. 900 g;
- Jakna treba da predstavlja finalni vanjski sloj odjeće za zimske uvjete rada pri izuzetno niskim temperaturama;
- Izolaciona obloga lagana i termički učinkovita, težine 100g ± 3% na tijelu i 66g ± 3% na kapuljači (npr. Climashield Apex ili ekvivalent);
- Tip uključene toplinske izolacije: CLIMASHIELD® APEX ili ekvivalent;
- Jakna treba da ima hidrofobične karakteristike toplinsko-izolacionog materijala koje omogućavaju brzo sušenje jakne ukoliko se skvasi;
- Vanjski zaštitni sloj jakne treba da štiti od vjetrova i vode (vodonepropusna) ali da pri tome zadržava prozračnost;
- Anatomski kroj;
- Jakna treba da bude pogodna za nošenje preko tanjih slojeva odjeće kao što su zaštitne podjakne, flis jakne i slično;
- Uključena podesiva kapuljača koja se sa lakoćom slaže u kragu jakne;
- Džep za kapuljaču sa otvorom dužine 48 do 50 cm koji se nalazi u kragu jakne treba da ima dvosmjerni zip zatvarač za što lakše korištenje bez potrebe za skidanjem rukavica;
- Kapuljača treba da ima tanku flis postavu za veću udobnost prilikom nošenja i zaštitu od grebanja;
- Podesiva širina donjeg dijela jakne sa elastičnom vrpcom za stezanje, kapuljača koja se podešava putem vrpce za stezanje koje se nalaze u unutrašnjosti prsnih džepova i podesiva širina donjeg dijela rukava putem čičak traka;
- Jakna treba da bude izuzetno lagana te da ima mogućnost laganog slaganja zbijanjem i pakovanja u platnenu vrećicu koja treba biti isporučena sa jaknom;
- Jakna treba da ima dva unutrašnja mrežasta džepa dim. 25x17 cm, pogodni za sušenje skvašenih stvari;
- Jakna treba da ima mogućnost zadržavanja toplote i grijanja korisnika u kišovitim uvjetima rada;
- Dvosmjerni prednji zip zatvarač sa termalnom zaštitom i štitnikom za bradu;
- Paneli sa čičak trakama dim. 9x12,5 cm ± 3%, za kačenje identifikacionih oznaka na gornjem dijelu oba rukava;
- Dva bočna prsna džepa sa otvorom od 28 do 30 cm sa tankom flis postavom i dvosmjernim velikim zip zatvaračima koji omogućavaju jednostavno otvaranje/zatvaranje bez potrebe za skidanjem zimskih rukavica;
- U unutrašnjosti prsnih džepova treba da se nalaze našiveni pomoćni džepovi dim. 10x12 cm te D-prstenovi širine 2 do 2,5 cm;
- Unutrašnji "suhi" džep sa vertikalnim otvorom od 16,5 do 18 cm i zip zatvaračem, za čuvanje dokumenata i vrjednih stvari;
- YKK® zatvarači ili ekvivalent;
- S prednje strane, u lijevom gornjem dijelu treba da se nalazi natpis „SUDSKA POLICIJA“ širine 10 cm ± 3%, ispisan latiničnim i ćirilničnim pismom, reflektirajućom bojom (izgled natpisa je dat u prilogu);
- Na potjedini jakne se nalazi natpis „SUDSKA POLICIJA“, širine 30 cm ± 3%, ispisan latiničnim i ćirilničnim pismom, reflektirajućom bojom (izgled natpisa je dat u prilogu);
- Boja: crna.

Na unutrašnjoj strani mora biti postavljena etiketa sa sljedećim obaveznim podacima:

- Veličina (veličinski broj);
- Naziv proizvođača;
- Osnovne informacije za održavanje.

Majica kratkih rukava

- Materijal izrade: 100% pamuk, 165g/m²;
- Maks. težina: 180 g;
- Boja: crna;
- Kvalitetna T-majica treba da predstavlja osnovni sloj uniforme;
- Izrađena od izdržljivog i prozračnog pamučnog materijala;
- S prednje strane, u lijevom gornjem dijelu treba da se nalazi natpis „SUDSKA POLICIJA“ širine 10 cm, ispisan latiničnim i ćiriličnim pismom, bijelom bojom (izgled natpisa je dat u prilogu);
- Na poleđini majice se nalazi natpis „SUDSKA POLICIJA“, širine 30 cm, ispisan latiničnim i ćiriličnim pismom, bijelom bojom (izgled natpisa je dat u prilogu);

Na unutarnjoj strani mora biti postavljena etiketa sa slijedećim obaveznim podacima:

- Veličina (veličinski broj);
- Naziv proizvođača;
- Osnovne informacije za održavanje.


Osim toga, identične oznake se vidljivo stavljaju na jednokratnu etiketu sa odgovarajućim EAN 13 brojem i kodom koji je različit za svaki veličinski broj.

Ambalaža i pakovanje:

Zapakovano u dvoslojne otporne kutije u kojima nakon slaganja ne smije ostajati praznog prostora, čime se sprječava mogućnost preturanja tokom transporta. Kutije moraju biti propisno zatvorene radi sprječavanja otvaranja.

Svaki zasebni komad mora biti omotan komercijalnim najlonom radi prevencije trenja i oštećenja pri transportu.

IZGLED MAJICE



Majica kratkih rukava

Izgleđ natpisa

Napomena: Natpis se sastoji od 3 (tri) reda teksta, kao što je prikazano u prilogu:

**SUDSKA / SUDBENA
POLICIJA
СУДСКА ПОЛИЦИЈА**